

T. E. KAPTAEVA

(Әл-Фараби атындағы Қазақ ұлттық университеті, Алматы, Қазақстан)

XIX ФАСЫРДАҒЫ СЫР ӨҢІРІНДЕГІ КЕРУЕН ЖОЛДАРЫ: ҚАЛЫПТАСУЫ МЕН БАҒЫТТАРЫ

Аннотация. Сыр өңірінде сыртқы сауда-саттықтың дамуының тарихи тамырлары сақ-массажет дәүірінен басталады. Сырдарияның орта ағысының оң жақ жағалауы тұсынан өтетін «Ұлы жібек жолы» халықаралық сауда жолының бір тармағы Сырдарияның төменгі ағысы бойына жетіп, одан әрі Арал теңізінің шығыс және солтүстік жағалауынан өтіп Жайыққа жеткен, одан әрі батысқа алып барған. Тарихи дәуірлерде Ұлы жібек сауда жолының Сыр өңірі үстінен өтуі Сыр өңірін шығыс және батыспен жалғап жатса, бұл тарихи дәстүр XIX ғасырда да жалғасын тауып, Сыр өңірінің үстінен өтетін Үргеніш, Хиуа, Бұқара, Хорезм өңірінен бастау алатын керуен жолдары Омбы арқылы Орынборды, одан әрі батысты жалғап жатты. Сырдарияны кесіп өтетін бір керуен жолы Сарысу, Ұлығтау, Кішітау арқылы Томскіге апарды. Тағы бір керуен жолы Бетпақдала арқылы солтүстік-шығысты жалғап жатты. Сыр өңірінен бірнеше керуен жолдарының кесіп өтуі өңірде керуенбасы, кірекеш, ақшомшы, шапар көсітерін дамытты. Керуен жолдары мен сауда-саттықтың дамуымен бірге кеме, сал сияқты катынас құралдарын жасау мен оның қолданыс аясы жетіле тусты.

Тірек сөздер: Ұлы жібек жолы, сауда ісі, керуен жолдары, кала базары, жәрменеке.

Ключевые слова: Великий шелковый путь, торговля, караванные пути, городской базар, ярмарка.

Keywords: Great Silk way, trade, caravan ways, city market, fair.

Ерте темір дәуірі мен ортағасырларда Батыс Еуропа мен Шығыс елдерінің арасындағы сауда қатынастарының дамуына ықпал еткен, қазақ жерінің үстінен өткен аса ірі халықаралық қатынас жолдары, яғни қазақ жеріндегі керуен жолдары б.э.д. 1-мынжылдықтың орта шеніндегі «далалық сақ жолдарынан» бастау алады. Б.э.д. 1-мынжылдықтың сонында Орта Азия және қазақ жерінің орталығы Алтай және Өнтүстік-батыс Сібірмен керуен жолдары арқылы жалғасты. Сыр өнірінде де сыртқы сауда-саттықтың дамуы темір дәуірінен бастау алады. «Ұлы жібек жолы» халықаралық сауда жолының бір тармағы Сырдарияның орта ағысының оң жақ жағалауынан төменгі ағысы бойына, одан әрі Арап жағалауынан Жайыққа, одан әрі батысқа алып барды. Қанұлы обаларынан табылған Балтық жағалауының янтарьлары, Үндістанның сердоликтері, Сирия мен Мысырдың әйнек түймелері, Иранның халцедондары, шығыс европалық және орталық европалық фибулдар мен білезіктер, Қытай, Иран, Сирия жібек мatalары, басқа да бұйымдар Жетіасардың сауда қатынастарын дәлелдейді. Жетіасардағы тұрғын-жайлар мен қорымдардан жиырмадан астам қима асыл тастандардан жасалған парфян және сасанид дәуірінің ирандық геммалары табылған. Жетіасардағы сасанид геммалары Арапдың шығыс өнірінде Иранмен б.э. III ғасырында сауда қатынасының нәтижесінде келгенін дәлелдейді. Б.э. IV ғасыры мен V ғасырдың басында сауда-саттық кезінде келген заттар, тауарлар ескери жорықтан түскен олжалар есебінен де толығып отырған [2, 278, 280-бб.].

Ерте ортағасырларда түркі мемлекеттерінің қалыптасуы, қала мәдениетінің дамуына байланысты Ұлы Жібек сауда жолының қазақ жерінің үстінен өтетін бірнеше тармағы қалыптасты. Сырдария өзенінің төменгі ағысы бойындағы қалалардың Ұлы жібек жолы сауда қатынасына қатысуы, бұл қалалардың керуен жолдары бойында орналасуымен тығыз байланысты. Өзбек ханы Шайбани ханның хатшысы Фаззалах ибн Рузбехан Сығанақ қаласының базарында құніне 500 түйенің саудасы жүретіндігін жазған, бұл Сыр өнірінің ірі сауда орталығы болғандығын дәлелдейді [33, 106 б.]. Ұлы Жібек жолы Сығанақтан уш бағытқа бөлінген, бірінші жол солтүстік-батысқа қарай Ақсұмбет өткелінен Сарысу өзенінің төменгі ағысынан жоғарғы ағысы бойына қарай, оның Қарақенгір сағасынан ежелгі кеншілер қонысы Қарсақпай мен Жезқазғанға, одан әрі Ұлытау тауы етегінен батысқа қарай Жайық өніріне, одан Ресей және Батыс Еуропага; екінші жол Сырдарияның төменгі ағысы бойына Жетіасар кешеніне, Жанкент қаласына, одан әрі Шығыс Еуропага; үшінші жол Жент қаласы, Куандария сағасы, одан әрі Хорезмге апарған [1, 206 б.].

Сол жағалық Сырдария жолы Жизақ, Самарқанд сауда қалаларын ортағасырлық Артықата, Бұзық, Қектебе, Қандығөз, Қаратөбе, Абызтөбе, Келінтөбе, Мейрамтөбе, Аққорған, Өзгент, Бала-пантөбені жалғап жатты, Балапантөбеден батыс бағытына жүрген жол Асанас қаласына апарған. Асанас қаласынан сауда жолы уш бағытқа бөлінген: солтүстік-шығыс жол Жетікөл, Қайырсаут, Сұлутөбе, Қепрабат, Дариялықтақыр, Телікөл, Сарысу бағытына апарған; оңтүстік-батыс жол Іңкардария, Қексөнгір, Қожақазған, Сырлығатам, Ұйғарақ, Бестам бағытын жалғаған; солтүстік-батысқа бағытталған жол Қуандария, Қышқала, Жент, Сырлыасар, Қараасар, Құмасар, Үнгірліасар, Моншақтыасар, Аққала, Шахасар, Сортөбе, Жанкент, Кішкіуйік, Арап теңізі Берг бұғазы, Дәulet тауы, Арапдың оңтүстік-батыс жағалауы, Тұщыбас түбекі, Бозай бағытын жалғап жатты. Оң жағалық Сырдария жолы Сайрам, Туркістан, Шолақкорған, Сығанақ, Қүйеутам, Мортық, Бестам, Сұлутөбені Ұлы жолмен, ал Ұлы жол Қаратай мен Арап теңізінің аралығын жалғап жатты [9]. Жент қаласының саудасы қызған ірі базарына көпестер пайдада тауып, қазынасын толтыру мақсатымен келген [4, 153 б.]. Жанкент пен Хорезм арасындағы сауда жолының ұзақтығы 10 күн, Фарабқа дейінгі сауда жолы 20 күн. Жанкентке Мауеренахдан нан өнімдері экелінген. Жанкенттен тағы бір жол Ертіске алып барған [29, 18 б.].

Қазақ жерінде болған ортағасырлық саяси оқиғалар, шапқыншылықтар мен соғыстар сауда қатынастарының ырғағының өзгеріске ұшырап отыруына тікелей әсер етті. Монгол шапқыншылығы әсерінен сауда орталығы болған қалалардың кирауы, Әмір Темір мемлекетінің ыдырауы, Қазақ хандығының құрылуы себепті керуен жолдарының бағыттары да өзгеріске ұшыраған. Сауда қатынасы бірте құлдырып, бірде қайта жанданып отырды. Сыр өнірінде біз зерттеп отырған кезеңде ортағасырлық қалалардың құлдырауына байланысты жоғарыда атап көрсеткен сауда транзиттік жолдардың бағыттары мен қалыптасқан қоғамдық қарекетке сай сауда-саттық нысандары да өзгеріске ұшырады. Темір дәуірі мен ерте ортағасырларда жергілікті тұрғындар саудаға қышқұмыра өнімдерін, колөнер бұйымдарын шығарса, көшпелі шаруашылық басым болған кезеңде негізгі сауда көзі мал болған. П. И. Рычков: «Кіші жұз қазақтарының байлығы жылқы мен қой, әрі бұлар Орынбор мен Хиуага аппаратын сауда-саттық көзі» – деген [27, 101 б.]. П. И. Рычковтың бұл

дерегі Орынбор-Хиуа транзиттік сауда керуен жолдарының Сыр өнірінің үстінен өтетіндігін тағы да нақтылай түседі. Сырдария аңғары Ресейдің сыртқы саудасы үшін өте маңызды алқап болды.

Орынбор әскерилері жазбаларының керуен жолдарын нақтылауда маңызы зор. Хиуа, Бұқара, Ташкентке, Еуропа мен Батыс Азияға экспортталған товарлар Қазалы уезі үстінен жүретін керуен жолы арқылы өткен. Бұл керуен жолының негізі Ұлы Жібек жолы кезінде қаланған. Сырдарияның төменгі ағысы үстінен кесіп өтетін керуен жолдары онтүстікті, шығыс пен батысты жалғап жатты. Бір жол №2 форт арқылы Куандария, одан әрі Жанқала бекінісі, одан әрі Жаңадария арқылы Қызылқұмға апарды. Екінші жол Майлыштастан немесе №1-ші форттан өтіп, одан Куандария жүріп отырып, Жаңадарияға жетеді де Жаманшығанақ арқылы Қызылқұмға барады. «Қызылжол» деп аталағын басты керуен жолы Арал теңізінің шығыс жақ беті мен Жаңадарияның төменгі ағысы бойымен өтеді де, Дәуқара арқылы Хиуага апарады. Ал Перовскіден Әмударияның төменгі ағысына дейін жалғасатын керуен жолының ұзактығы шамамен 577 шақырымды құраған [26, 598 б.].

А. Макшеевтің көрсетуі бойынша, Сырдариядан өтіп Қаратөбе тауы арқылы өтетін керуен жолы Куандария бойы, Қызылқұм құмдарын, Жұзқұдықты кесіп өтіп, Бұхараға барып тоқтайтын жол 707 шақырымды, ал Сыр өніріндегі Жаманшығанақ сайынан өтіп, Сайқұдық, Айыртау, Карабатыр, Белқұдық, Құдайжар, Занғар адырларын, Жаңадарияның кепкен сағасын, Дәуқара, Қамыстыбас көлдерінің бойын жалғап, Манғыт тауынан асып Хиуага апаратын қысқа жол 520 шақырымға созылған [11, 49-50 б.]. Ал, Орынбор әскерилерінің жазбасында Орынбор қаласынан бастап Бетпақдалаға апаратын жол 580 шақырымға созылған, бұл жол Бетпақдаланы кесіп өтіп, Перовск фортына апарады. Ал Орск қаласынан бастап, Каракүм, Майлыштас арқылы өтіп Сырдарияға апаратын жол 750 шақырымға, осы жол арқылы Перовск фортына дейін баратын керуен жолы 970 шақырымға созылып жатқандығы көрсетілген. Перовск фортынан керуен жолы екі бағытқа бөлінеді, соның бірі 1000 шақырымға созылатын ұзак жол Сырдарияның оң жақ бетімен жүріп отырып, Жәлек бекінісі, Түркістан қаласы арқылы өтіп, екі тармаққа бөлініп, бір жол онтүстік-шығысқа қарай Қоқанға, бір жол онтүстік-батысқа қарай Ходжент, Ұратөбе, Самарқант, Зерафшан арқылы Бұқараға апарған. Ал Перовскіден Қызылқұм арқылы Бұқараға апаратын қысқа жол 600 шақырымға созылған [16, 52-53 б.]. В. Н. Татищев бойынша Орынбор қаласы мен Арал даласының аралығы 500–600 шақырымды құраса [32, 148 б.], П. Небольсин бойынша Орскіден Райым бекінісіне дейінгі жол 700 шақырым болған [21, 55 б.].

П. Небольсин бойынша Бұхара-Троицк керуен жолының қашықтығы 52 күндейк жолды құраған, Сырдария үстінен өтетін бұл керуен жолы Жаңақорған, Қаратай етегіндегі Мынбұлақ өзені, Дәуітқожа құдығы, одан Телікөл, Арыс көлі, Еспе, Қалмаққырылған арқылы жүрген [20, 133-134 б.].

П. И. Пашиноның жолжазбасындағы №1 форт-Қазалыдағы керуен жолы мен сауда ісінің дамуына берген суреттемесіне назар аударсақ, Қазалы форты Бұхарадан және Хиуадан бастау алатын екі керуен жолының түйіскең жерінде тұр, форт үстінен өткен керуеншілер Орал бекінісі, әрі қарай Орск, Орынбор арқылы Ресейге аттанады [25, 27 б.]. Перовск фортының онтүстігінде Қызылқұм құмдарының жатуы Бұхараға жету жолын қындағанымен, бұл жерге Бұхар хандығының шығыс провинциялары өздерінің транспортын жіберіп отырды. 1867 жылдары Перовск фортының бір жылдық сауда айналымы 80000 рубльден асқан. Сатылатын сауда заттарын азиялық мануфактуралар, орыстың темір бұйымдары мен жергілікті тауарлар құраған [25, 48 б.]. Қазалының үстінен өтетін Үргеніш-Қазалы-Ырғыз-Орск-Орынбор бағытындағы керуен жолының ұзактығы 1400 км құраған, байырғы дәстүрлі өлшем бойынша 1 шақырым 1.06 км тең болғанын есептесек, онда бұл жолдың ұзактығы 1484 км.-ге тең болған [19, 81 б.].

Л. Ф. Костенко, П. Небольсин жазбаларын негізге ала отырып Сыр өнірінен өтетін сауда жолдарының келесідей бағыттарын анықтаймыз: 1. Хиуа-Петро-Александровск – Форт №1 Қазалы – Ресей. 2. Бұқара – Қазалы – Орынбор – Омбы – Троицк – Петропавловск. 3. Бұқара – Перовск – Орынбор – Омбы-Троицк – Петропавловск. 4. Бұқара – Үшқайық өткелі – Орынбор – Омбы-Троицк – Петропавловск. Орынбор мен Бұқара арасы – 55-60, Орбы мен Бұқара арасы – 45-50, Троицк мен Бұқара арасы – 50-55 күн [12, II, 2 б.; 20, 88-89 б.]. П.С.Палластың «Троицкіде Бұқар мен Хиуа көпестері аз, негізінен Ташкент көпестері сауда жасайды. Троицкіде Орта жүз қазактары, Орынборда Кіші жүз қазактары сауда жасайды» деген пікірі де сауда жолдарының бағытын көрседі [24, II, 381-382 б.]. Г. Волконский де Сыр өнірлік ру-тайпалардың қоныстарымен қатар, Бұхар, Троицк көпестерімен сауда қатынасын дамытып отырганын көрсеткен [14, 513-515 б.]. Яғни, Бұқар

мен Хиуадан шығатын сауда жолы Орынборға қарай, ал Ташкенттен шығатын сауда жолы Троицкіге қарай кеткен, ал Сыр өнірі сауда трафигі болды.

Белгілі шығыстанушы В. В. Бартольд араб және парсы деректеріне сүйене отырып, «Сырдарияның төменгі ағысы және Талас өзені бойынан кесіп өтетін жолдар Ертістің солтүстігіндегі қимақтар мекеніне апарады, қимақтардан аң төрілерін тұзға айырбастап отырған. Сырдарияны кесіп өтетін керуен жолының Фергана шекарасынан бастап қимақтар мекеніне дейінгі қашықтығы 30 күн», – дегे көрсеткен [3, 242 б.]. Бұл жолдармен ерте және орта ортағасырларда Талас және Шу өнірін Ертіс өнірімен, Батыс Сібір аймақтарымен жалғастырып жатқан сауда керуендері жүрген. В. Бартольд көрсетіп отырған бірінші жол Перовск уезінің шығыс аңғарында Сырдария өзенін кесіп өтіп солтүстікпен онтүстікті жалғап жатса, ал екіншісі тарихта «Хан жолы» деген атпен белгілі. Екінші жол «Хан жолы» атауын, Ұлы жұз бен Орта жұз қазақтарын басын қосу мақсатында осы жолмен «Абылай хан» жүріп өткеннен кейін алған. Хан жолының бір бөлігі кейін Сырдың орта ағысы бойындағы тайпалардың кешу жолын қамтамасыз еткен.

Ә. Марғұлан, қазақ жерінің онтүстік өнірінен Бетпақдала арқылы өтетін «Хан жолы», «Қарқаралы жолы», «Уанас жолы», «Жетіқоныр жолы», «Сарысу жолы» сияқты керуен жолдарын атай отырып, бұлардың бәріде бұрын Онтүстік өлкелермен Орталық Қазақстанды, Ертіс бойын, Құнбатыс Сібірді байланыстырып, олардың арасында сауда қарым-қатынасын күштейтуде зор маңызы болған жолдар, соңдай жолдың бірі Сырдария өлкесінен Торғай бойына, Онтүстік Оралға дейін созылып жататын, – деген [13, 74 б.]. Бұл жолдардың онтүстік өлкедегі тайпаларды Ертіс бойы, Батыс Сібір аймағы тайпаларымен байланыстырып, қарым-қатынасын күштейтуде маңызы өте зор болды. Сыр өнірі үстінен өтетін керуен жолдары табиғат жағдайы қолайлы жерлермен ғана өтіп қойған жоқ, сонымен қоса Дариялықтақыр, Арысқұм сияқты құмды, шөлді жерлері басып өтті, Сыр өнірінен өтетін тағы бір жолдың табиғаты қатал Бетпақдала шөлі арқылы жүргендігін тарихи-топографиялық, тарихи-географиялық мәліметтер нактылап отыр [2-сурет]. Тарихи дәуірлерде сауда қатынас жолдары болған керуен жолдары кейінгі ортағасырларда жорық, саяхат жолдары ретінде қызмет етсе, кейінірек көшпелі қазақтардың қазақ жерінің онтүстігінен солтүстік-батысқа, онтүстік шығысъынан орталығына, солтүстік-шығысқа қарай көшетін көш жолдарының бір бөлігі ретінде де қызмет еткен. Сырдарияны кесіп өтетін керуен жолдарының бір бөлігі көш жолдары ретіндегі қызмет еткен. Ал XVIII–XIX ғасырларда қазақ жерінде жүрген экспедициялардың сапарлары бағытын анықтауға негіз болған.

Сырдың төменгі ағысы қазақтарының қыстауларының Орынбор және Сібір керуен жолдарының бойында орналасуы, Сырдария өлкесін бірнеше керуен жолдарының кесіп өтетіндігі, бұл өлкедегі сауда ісінің дамуына, керуенбасылық, жүк тасуышылық, саудагерлік кәсібінің дамуына себеп болды, әрі онтайлы әсер етті. Жүк тасуышылық жергілікті халықтың қосымша құнкөріс қамтамасыз етті. Ташкент-Орынбор темір жолының салынуы, орыс қоныстанушыларының келуіне байланысты балықшылық, тұз өндіру, отын шабу қарқындан дамып, бұл сауда мен жүк тасуышылық кәсіптің одан әрі дамуына әсер етті. Сырдың төменгі ағысы бойындағы керуен жолдарын Сырдария өзенінің кесіп өтуі, өзен суының ағысының қаттылығы «жүк тасуышылық» кәсіптің дамуын күрделендіре түсken.

1846 жылғы Бас штаб капитаны Шульц өз жазбасында өзен өткелдеріндегі сал-паромды келесідей сипаттаған: «Қазіргі уақытта Сырдарияда су көлігі жоқ, оның орнына ұзындығы – 4–7 сажын, ені – 2 аршын болатын ағаш кесінділерін бір-біріне темір арқылы бекіткен салдар суға жіберіледі. Олар 6–12 атты немесе 125–250 пүтқа дейін салмақтағы жүкті өткізе алады. 1846 жылды тамызда олардың саны көп болған жоқ. Сал жасауға тұт, қаратал, емен ағаштарының діні қолданылған, олар Хиуа жерінде жасалып, Әмудария өзені арқылы Арадың сол жақ жағалауына түсіріліп, сол арқылы Сырдарияға жеткізілген [11, 330 б.]. Ал 1860 жылғы әскери құжат Сырдария өткелдерінде қайықпен тасу ісінің жолға қойылғандығын нақтылайды. Қайықпен тасу Сырдарияда Перовск форты, Кубас өткелдерінде, Куандарияның Қүлек өткелінде дамыған [4-сурет]. Қайықшылар жүргіншілерден өткелден өткізгендері үшін ақы алып отырды. Ал сауда керуенін өткізетін қайықтардың жалпы саны 80-ге жеткен. Сауда керуені Сырдариядан төрт өткел арқылы өткен: Ұшыр өткелі №1 форттан – 16, Мортық – 30, Шірік – 80, Қимақалған – 100 шақырым жерде орналасқан. Құздің соны мен қыстың басында сауда керуенін өткізу үшін Сырдария мұзының үстінен қамыстан жол салған [11, 471 б.].

1910 жылы Перовск уезінен 1983 қазақ, 1911 жылы Қазалы уезінен 1977 қазақ жүк тасуши ретінде тіркелген. Уезд өніріндегі межеленген жерге балық өнімдерін, тұзды жеткізіп беріп отырды. Жүк тасушиның қызметіне ақы жүктің көлемі мен жеткізетін жердің қашықтығына қарай төленді [18, 97 б.]. Қазалы уезінен көптеген жүк тасушилар Әмудария бөлімі, Хиуа, Бұқараға отын тасумен, одан кері Қазалыға қарай макта-мата бұйымдарын, бидай тасумен айналысты. Бұқараға отынмен қатар, балықты да апарды. Кейбір жүк тасушилар Қызылқұмнан Перовск уезіне сексеул тасыған [17, 72 б.]. 1 түйеге 10 наң 18 пұтқа дейін жүк артылды. Түйемен бір тасылған жүкке 8–12 рубль төленді [24, 1-б., 580 б.]. Қазақ халқының әдептік құқығы бойынша жүк тасушилар аманат жүкке жауапкер болып саналады. Бұл жөнінде Н. Гродеков: «көпестер өз заттарын керуен-басының қарауынсыз, жүк тасуши арқылы жібере алады, Жүкті аттандыра алдында көпестер мен жүк тасушилар, болмаса керуенбасымен жүктің саны, жеткізу мерзімі және ақысы жөнінде қағаз жөнінде жауапкершілікті мойындаиды. Жүк тасуши әдептік құқық бойынша жоғалған жүктің ақысын төлейді. Егер жүкті мақұлдаған таңба, мөр басылған құжат болмаса онда жоғалған жүк ақысы төленбейді. Жүк тасуши жүк түйесі ауруға шалдығып, жолға жарамаса оны ауыстыруға міндетті болған...» [7, 138–139 б.]. Жүк тасушиларды қазактар «кірекеш», «кіре тартуши», «түйекеш» деп атаған. Кірекештер үшін жүк жеткізу оңай жұмыс болған жоқ. 12–15 пұт жүгі бар түйе құмды-шөлді жерде 1 сағатта 3–3,5 км, күніне 30 км. жер жүрген. Тұнде түйенің көзі нашар көрген, ал аитап ыстықта журу қын болғандықтан керуен дем алған. Кірекештер тек жүк жеткізуді ғана емес, түйе күтіміне де қараған [19, 82 б.].

Е. Смирнов: «Қазалы, Перовск, Түркістан, Шымкент уездері қазактары арасында жүк тасушилық көсібі ерекше дамуын бұл өнірде түйе малының көптігімен байланыстыра отырып, ертеде бұл көсіппен шөмекейлер айналысып, Орынбор және Сібір мен Бұхара, Хиуа аралығын жалғайтын керуен жолдарында жүк тасыған, кейін бұл көсіпті игеруге Кіші және Орта жүздің басқа да рулары қосылды. ...Арбадан гөрі түйемен жүк тасу тиімдірек болды, ауыр жүк артылған түйе керуені қамысты да, ойлы, төбелі, шөлді, құмды жерлермен де жүре алған», – деген [31, 158 б.]. Тенденциясы артса бір түйе 40-тан 50 пұтқа дейін жүкті таси алады [31, 159 б.]. А. П. Смирнов болса, қазақ жерінің Түркістан, Сібір, Орынбор өлкелерінде сауда-саттық айырбас түрінде дамып отырғандығын айтқан [30, 26–27 б.]. Жүк тасушилар немесе керуеншілер өздерінде түйе болмаған немесе жетіспеген жағдайда қосынша басқа түйелерді жалға алып отырған.

Сырдария өткелінде фортық мекемелік қайықтардан басқа, Арапға Хиуадан алып келген жеке меншік иелерінің қайықтары да болды. Жүк тасумен қайықшылар да айналысқан. Қайықпен жүк өткізетін басты бекеттер Сырдария сағасы мен №2 форт аралығындағы Ұрқаш, Мортық, Шырак, Құмсалған деген жерлер болды. Қөршілес Әмудария бөлімінде, осы қайықшылар 14 адамнан құралған бір артель құрып, 2000 пұт затты қөтеретіндей қайықты жолға алып, басқарушысын «дарға» деп атап, қалғандары еспеші, жүк түйеуші қызметтерін атқарған [15, 324 б.; 28, 87 б.].

Керуен қызметін үйімдастырудың жауапкершілігі керуенбасының міндеттінен жүктелген. Керуенбасылықты қосіп еткендер керуен бастаумен қатар, керуенге түйе қосумен де айналысқан. Жүздеген түйені керуеншілерге сату үшін арнайы өсіретін бай қазактар кездесіп жатты [20, 46 б.]. Керуендең түйелерде жолға салып отыратын қазактар «шапарлар» деп аталағып, олар керуенбасыға бағынды. Керуенбасылар, керуеннің қауіпсіздігіне жауап берген, шапарлармен ақылдаса отырып, керуен тоқтайтын жерлерді белгілеген [19, 26 б.]. Сыр өнірінде алыс жерден, астықты қалалардан азық алып қайту мақсатымен шығатын, жаз соңында кетіп, қыста қайтып оралатын түйе керуені – ақшомышы деп аталды.

Сауда керуенін жүргізуге қатысты қасиеттердің еңбек ақысының төленуі жайында бірқатар қызықты мәліметтер кездеседі. Л. Мейер бойынша, Сырдариялық кірекештер түйемен тасылған жүкті бір түйеге арту үшін 15 тыын, жылқы мен өтізге артылған бір жүк үшін 10 тыын, түйеге артылған 1 тең үшін 2 қадақ ұн, 1 қойды жеткізу үшін 1,5 тыын, 100 қойды жеткізу үшін бір қозы, дүниес-мұлкімен бір киіз үйді жеткізу үшін 20 тыын ақы алған [16, 54–55 б.]. Ал Ш. Уәлиханов: «Сырдария өткелінен жүктөр жалпақ тегіс етіп жасалған салдар арқылы өткізіледі. Түйеге, атқа артылған жүк үшін 1 теңге немесе 20 тыын күміс ақша алады», – деген [5, 172 б.].

Жүк тасушилар мен керуеншілердің қызметі мен еңбек ақысы жайлы осындағы мәліметті П. И. Пашино жазбалары толықтыра түседі: «№1-ші фортта барлығы шікі кірпіштен соққан 156 лавка болған, лавкалар қатары Бұхар базары, Хиуа базары деп аталады. Кейбір саудагерлер

лавкаға жалдамалы сатушы ұстап бұл жерде жыл бойына сауда жасаған. 1865 жылы Қазалы фортынан Орынборға дейінгі керуенге 1500 түйе жалға алынып, әрқайсына 7 рубльден төленген. Сырдариядан Бұхара және Хиуага дейін қазалылық керуенші бір түйеге артқан жүкке 10–12 рубльға дейін алған. Қері қарай керуенбасылыққа жалданған адам Бұхарадан Орскіге немесе Орынборға дейін керуенді жеткізуге, бір түйенің теніне 18 рубль күміс ақша алған, мойнына алған жүкті жары жолда басқа біреуге тапсырмаган. Хиуа, Бұхарадан Қазалыға дейін апарылатын керуен Сырдарияның сол жақ бетіндегі Қаратепе, Мортық өткелдеріне келіп тоқтап, жүкті түсірген, ері қарай жүк тасушыларды жалдап, жүкті өзеннен өткізген. Олар алғашында жүк тасуға қамыстын жасалған салды қолданатын еді, кейіннен хиуалық кемелер алып, қазір олардың саны 200-ге жетеді. Жүк тасушылар бір түйенің тенін өзеннен өткізуге 1-2 кесе ұн, ал түйенің өзін өткізуге 10–15 тын ақы алған. Ал жылқы, өгізді өткізу үшін әрқайсысынан 10 тыннан, қойдан 1 тыннан, жұз қойдан бір қозы, киіз үйді жиназдарымен бірге өткізу үшін 20 тын ақы алған. 1865 жылдан бастап Бұхар керуенің Ресейде ұсталуына байланысты Бұхар саудасы күйрей бастаған. Бұрын Қазалы үстінен Ресейге қарай 14000 бас жүк түйесі өтсе, қазір олардың саны 7–8 мыңға қысқарған» [25, 27 б.]. Ал Бұхарадан Орск бекінісіне дейін бір түйеге артылған жүкті жеткізіп беру үшін кірекештер 23 рубль 50 тын ақы алған [10, 452 б.]. 1886 жылғы статисталық деректе Перовск уезінде 2 жүк тасушының – 400 рубль, Қазалы уезінде 28 жүк тасушысының – 4200 рубль табыс табатыны көрсетілген [23, 350-351 б.]. Тасымалдау жұмысымен арбакештер де айналысқан. Арбакештің табысы күніне 40–50 тын, кейде 20–70 тынды құраған.

Сырдария өткелінен қазақтардың жүк өткізу сәтін айғақтайтын фотокүжаттардың да маңызы жоғары. В. Горбунов түсірген фото жүк тасушылық кәсібінің XX ғасырдың бас кезінде де маңызының жоғары болғандығын көрсетеді [6, 27 б.].

Орта Азиялық темір жол транспорттарының салынуына дейін кірекеш кәсібі кеңінен дамып, темір жолдар іске қосылғаннан кейін бұл кәсіптің аясы тарыла бастады. Қазалы арқылы Бұхарадан Орынборға дейін 1885 жылы әрі және кейін қарай 39 000 бас жүк түйесі өтсе, 1886 жылы 36 660 бас жүк түйесі өткен, яғни саудалық жүк түйесінің саны 2340 басқа азайған [23, 67 б.].


Жүк тасушылықты қосалқы кәсіп еткен қазақтар арасында Закаспий, Орынбор-Ташкент темір жолдарының іске қосылуы кәсіп аясының тарыла түсуіне әсер етті. Орынбор-Қазалы-Ташкент керуен жолының саудасы қызып тұрған бір кездері кең тараған бұл кәсіп 1889 жылдары Троицк және Верныйға жүк таситын қазақтар арасында сақталды. Жүк тасуға төлейтін ақы да төмендеді [22, 81 б.].

Қазактың әдettік құқығының сауда керуеншілеріне қатысты қалыптасқан дәстүрі болды. Керуеншілер қыстың қатты суығында бір үй иесіне келіп тоқтап, керуенді үй иесі артық жері болып тұрып қабылдамағандықтан, керуеншілер мен малдар үсіп өлсө, біріншісінің құнын, екіншісінің ақысын төлеген. Н. Гродеков сауда-саттық кезінде құлық алдау да кездеседі, егер құлығы ашылып қалса сатушы заттың құнын қайтаруы тиіс, – дейді [7, 159 б.].

Қазалы базарында сауда-саттық жергілікті қазақтармен көбіне айырбас түрінде жүрген. Хиуа, Бұхар саудагерлері Ресейге баар жолда жергілікті саудагерлерге жібек мatalар, кестелі тақиялар, ер-тұрман, т.б. заттарды қалдырған, қайтар жолдарында делдалдардан заттарының орнына жиналып тұрған терілерді, қой, түйе жүндерін алып, оның орнына Ресейден айырбастап алып қайтқан орыс сәтендерін, фарфор ыдыстарды, самаурын, шеге, шалғы, орақ, қайышы, пышак, айна, тарақ, түйме сияқты заттарды одан әрі сатып қоюға қалдырған. Қазалыда 10 тұрақты, 30 көшпелі орыс лавкасы болған [25, 28 б.].

Штабс-капитан Фомаковтың 1844 жылғы жазбасын негізге алсақ, сол кезеңде Сыр бойындағы сауда көздері бұқарлық, хиуалық, қоқандық саудагерлердің қолында болған [10, 299 б.]. П. И. Пашинно бойынша 1860-шы жылдары Перовскіде 2 жәрменке-базар жұмыс істеген [25, 49 б.]. Перовск базарларында бұқарлық, хиуалық мatalардың тұр-тұрі, кілемдер, киімдер, кептірілген бау-бақша өнімдері, жеміс-жидектер, емдік шөптер, бояулар, т.б. сатылды.

Сырдария линиясы басқармасының 1860 жылғы есебінде: «Сырдариялық қазақтар түйемен жүк тасуды қосалқы кәсіп етеді көрші хандықтардан фортика келген керуенді өткізеді», – дей отырып, Перовскілік саудагер-қазақтар Бұқар, Хиуа, Қоқанға барып, әкелген тауарларын Перовск базарларында сатқан. Перовск базарында бұқарлық, қоқандық және жергілікті қазақ саудагерлердің лавкасының жалпы саны 101 болған, соның ішінде киіз үй-лавка саны – 44, соның ішінде қазақтарға тиесілі – лавка болған. Ал №1 фортуна сауда лавкалары негізінен киіз үйден құрылып, жалпы



1-сурет – Сыр өнірі үстінен өтетін керуен жолдарының бағыттары. Авторлық жаңғыртпа [10; 11; 16; 26]



2-сурет – Дариялықтақыр үстінен өтіп бара жатқан сауда керуені. XIX ғ. соңы. С. Неуструев түсірген [18]



3-сурет – Жөлектегі базар. 1910 жыл, қараша [18, 156а б.]



4-сурет – Сырдария өткелі. Жүк тасу [6, 27 б.]

саны 100-ді күрайды, сауда негізінен бұқарлықтардың қолында болды, 5 саудагер ғана хиуалық ретінде есепке алынды, – делінген [10, 471-472 б.]. Саудагерлердің саны тұрақты болмаған, тауарларын сатып болғасын сауда керуені қайтып, орнына басқасы келген. Саудагерлер саны қыста артып, жазда азайған.

А. И. Добросмысловтың дерегі бойынша, 1860 жылы №1 фортта барлығы 88 сауда нұктесілавка болып, оның 7 – орыс, 70 – бұқарлық, 6 – бұқар еврейлері, 1 – хиуалық, 4 – казақ саудагерлерінің үлесінде болған. Ал 1868 жылы Перовск уезінде барлығы 237 сауда лавкасы болып, оның 19 – орыс, 121 – бұқарлық, 9 – бұқар еврейлері, 82 – ташкенттік сарт, 6 – ауғандық саудагерлер иемденген [8, с.13, 22].

1886 жылы Қазалы арқылы Ресейден Бұхар, Хиуа, Әмудария бөліміне, Сырдария облыстары, Фергана, Зеравшан округтеріне барлығы 3 492 264 рубльды күрайтын, 136 673 пұт тауар өткізілген, ал Қазалы арқылы Орта Азиядан Ресейге барлығы 3 273 603 рубльды күрайтын 177 310 пұт товар өткізілген [23]. Ресейден шәй, қант, мануфактура өнімдері, галантсеря, бакалея өнімдері, үй заттары, керосин, темекі, ұн тасылса, Ресейге қарай өткізілетін тауарлар мақта, мата, жібек, қаракөл, иленген терілер, киіз, жұн, аттың құйрығы мен жалы, кілем, балық, мануфактура өнімдері болған [28, 95 б.]. П. Небольсиннің Ресей сыртқы саудасы үшін Сырдария қалалары Каспий қалаларынан маңызды деген пікірі Сыр өткелдерінің маңызды сауда бекеттері болғанына байланысты айтылған [21, 52, 54 б.].

1910 жылы Перовск уезінен 1191 қазақ, 1911 жылы Қазалы уезінен 530 қазақ саудагер ретінде тіркеліп, Перовск уезінде барлық кесіпкерлердің 7,3%, Қазалы уезінде 3,4%-н құрады. Перовск уезінде саудагерлікті кәсіп еткендер Перовск қаласында, Скобелев, Аламесек, Жөлек, Жаңақорған болыстарында, яғни саудагерлік кәсібімен айналысатындар отырықшылық дамыған болыстарда кездесті [18, 98 б.; 17, 72 б.; 3-сурет]. Жергілікті саудагерлердің сауда-саттық заттары мал, балық, қолөнер бұйымдары, жүн, қамыс, сексеуіл болды. Саудагерлер заттарын өзінің немесе жалдан алған түйесімен тасыған. Сауда қатынас транспорттарын Хиуа, Бұқарадан экелінген сал, қайыктар да қамтамасыз еткен, қыста мұз үстінен қамыстан жол салған.

Керуен жолдары мен сауда ісіне қатысты деректерімізді қорыта отыра айтарымыз, біз зерттеп отырған кезеңде Сырдарияның төмөнгі ағысы бойының өзінен онтүстіктен солтүстік бағытта қарай алты жол кесіп еткен, Орта Азия хандықтарынан бастау алатын керуен жолдарының бағыттарын, Орынбор, Орск, Троицк, Омбы, Бетпақдала бағыттары деп бөлуге болады [1-сурет]. Кей авторлар керуен жолдары кейін көш жолдары ретінде қызмет еткен, – дейді. Байырғы керуен жолдары жаугершілкте жорық жолдары, көш жолдары ретінде қызмет еткені белгілі, бірақ керуен жолдары толығымен көш жолын қамтымаған, керуен жолдары көш жолдарының нақты үстінен туспеген, екі жол белгілі бір пункттерде ғана түйісіп отырған. Қошпелілер мал қамы үшін керуен жолдарынан шығып кетіп жайылымы мол жерлерге қарай түсіп отырған.

Қазақ жерінде темір жолдардың іске қосылуына байланысты сауда керуені жолдарының сауда транзиті ретінде қызметі токтады, сол себепті Жібек жолы сауда керуенінен басталған керуен-басылық, кіре тартушы кәсібімен айналысу да қолданыстан шықты.

ӘДЕБІЕТ

- 1 Агеева Е.И., Пацевич Г.И. Из истории оседлых поселений и городов Южного Казахстана // Труды Института Истории, археологии и этнографии. – Том V. Археология. – Алма-Ата: Издательство АНКазССР, 1958. – С. 3-209. (294 с.).
- 2 Байпақов К.М. Қазақстанның ежелгі қалалары. – Алматы: «Аруна Ltd», 2007. – 384 б.
- 3 Бартольд В.В. История культурной жизни Туркестана. Сочинения. Общие работы по истории Средней Азии / Редкол. Б. Г. Гафурова. – М.: Издательство восточной литературы. – Т. II, ч. I. – 1963. – 1020 с.
- 4 Бартольд В.В. К истории орошения Туркестана. Сочинения. – Т. III / Редкол. Б. Г. Гафурова. – М.: Наука, 1965. – 711 с.
- 5 Валиханов Ч.Ч. Собрание сочинений в пяти томах. – Т. 4. – Алма-Ата: Главная редакция Казахской советской энциклопедии, 1985. – 458 с.
- 6 Горбунов В. Путеводитель по Казахстану. – Москва-Алматы, 1932. – 152 с.
- 7 Гродеков Н.И. Киргизы и каракиргизы Сыр-Дарьинской области. – Юридический быт. – Т. 1. – Ташкент: Типолитография С. И. Лахтина, 1889. – 205 с.
- 8 Добросмыслов А.И. Города Сыр-Дарьинской области. Казалинск, Перовск, Туркестан, Аулиеата, Чимкент. – СПб., 1912. – 8 с.
- 9 Елеуов М. Сырдария өзенінің орта ағысы мен Қаратаудың ортағасырлық керуен жолдары // «Еуразия тарихы мен мәдениетіндегі Арап – Сырдария өнірінің орны» Халықаралық ғылыми конференция материалдары. – Алматы: Атпа, 2009. – Б. 35-41 (432 б.)
- 10 Казахско-русские отношения в XVIII–XIX веках (1771–1867 годы). Сборник документов и материалов. – Алма-Ата: Издательство Наука, 1964. – 572 с.
- 11 Макшеев А.И. Описание низовьев Сыр-Дарьи. – СПб.: В типографии Имп. АН., 1856. – 80 с.
- 12 Костенко Л.Ф. Туркестанский край. Опыт военно-статистического обозрения Туркестанско-военного округа // Материалы для географии и статистики России. – СПб.: Типография и хронолитография А. Траншиля, 1880. – Т. I. – 452 с. + 3 карта; – Т. II. – 200 с.; – Т. III. – 307 с.
- 13 Маргулан А.Х. Древние караванные пути через пустыню Бетпак даала // Вестник Академии наук КазССР. – Алматы, 1949. – С. 68-77.
- 14 Материалы по истории Казахской ССР (1785–1828 гг.) – Т. IV. – М.-Л.: Изд. АН ССР, 1940. – 543 с. + 1 л. карта.
- 15 Материалы по обследованию кочевого и оседлого туземного хозяйства и землепользования в Амударыинском отделе. Сырдаринской области. – Вып. 1. – Текст. – Ташкент, 1915. – 300 с.
- 16 Мейер Л. Материалы для географии и статистики России, собранные офицерами генерального штаба. – Ч. 1. Киргизская степь. – Оренбургского ведомства. – СПб., 1865. – 288 с. + 12 л. карты + табл.
- 17 МКЗ. Сыр-Дарьинская область. Казалинский уезд. Главное управление землеустройства и земледелия Переселенческого управления. – Ташкент: Типо-литография В. М. Ильина, 1913. – 148 с. + приложения 1-17., табл. 1 + 221 + карта 1 лист. (383 с.).
- 18 МКЗ. Сыр-Дарьинская область. Перовский уезд. Главное управление землеустройства и земледелия Переселенческого управления. – Ташкент: Типо-литография В. М. Ильина, 1912. – 190 с. + приложения 32 с. + табл. 127 с. + 45 с. + карта 3 лист. (394 с.).
- 19 Народы России. Киргизы. Исторический очерк и народный характер. – СПб.: Типография товарищества «Общественная польза», 1879. – 58 с.

- 20 Небольсин П.И. Очерки торговли России со Средней Азией // ЗИРГО. Книжка 10. – СПб.: В типографии Имп. АН., 1855. – 442 с. + 3 л. Табл. + 1 карта.
- 21 Небольсин П.И. Рассказы проезжего. – СПб.: В типографии Штаба Военно-учебных заведений, 1854. – 343 с.
- 22 Обзор Сыр-Дарынской области за 1889 г. Приложения к Всеподданейшему отчету военного губернатора. – Ташкент: Типография братьев О и Г. Перцевых, 1890. – 82 с.
- 23 Обзор Сыр-Дарынской области. Приложение к всеподданейшему отчету военного губернатора области за 1886 г. – Ташкент: Типо-литография С. И. Лахтина, 1888. – 385 с.
- 24 Паллас П.С. Путешествия по разным провинциям Российской империи. – Ч. 1. Путешествие 1768–1769 гг. / Перевод О. Томский. – СПб.: Тип. Имп. АН., 1773. – 657 с. + 28 вкл.; – Ч. 2. – 1770 г. – 476 с.; Ч. 3. – Вторая половина 1772–1773 годов / Перевод Г. Зуев. – 1788. – 480 с. + 50 вкл.
- 25 Пашини П.И. Туркестанский край в 1866 году. Путевые заметки. – СПб., 1868. – 179 с. + ил. + 1 л. карта.
- 26 Россия. Полное географическое описание нашего отечества. Настольная и дорожная книга для русских людей / Под ред. П. П. Семенова и академика В. И. Ламанского. – Т. XIX. Туркестанский край. Составил князь В. И. Масальский. – СПб.: Издание А. Ф. Дефриена, 1913. – 861 с. + карта.
- 27 Рычков П.И. Топография Оренбургской губернии. – 2-ое изд. – Оренбург: Типография В. Бреслина, 1887. – 405 с.
- 28 Сазонова М.В. Традиционное хозяйство узбеков Южного Хорезма. – Ленинград: Наука: Ленинградское отделение, 1978. – 97 с.
- 29 Самайлович А.Н. Западный Туркестан со времени завоевания арабами до монгольского владычества. Историко-географический очерк. – СПб.: «Столичная скоропечатная» С. Х. Золотухина, 1903. – 144 с.
- 30 Смирнов А.П. Быт и нравы киргизов. – 2-ое издание. – Издание учрежденной по Высочайшему повелению Постоянной комиссии народных чтений. – СПб.: Типография Ф. Акиенфиева и И. Леонтьева, 1897. – 27 с.
- 31 Смирнов Е. Сырдаринская область. Описание, составленное по официальным источникам. – СПб.: Типография М. М. Стасюлевича, 1887. – 356 с.
- 32 Татищев В.Н. Избранные труды по географии России. – М.: Гос. издательство географической литературы, 1950. – 248 с.
- 33 Фазаллах ибн Рузбехан Исфахани. Михман наме-ий Бухара (Записки Бухарского гости) / Перевод, предисловие и примечание Р. П. Джалиловой. Под ред. А. К. Арендса. – М., 1976. – 196 с.

REFERENCES

- 1 Ageeva E.I., Pacevich G.I. Iz istorii osedylyh poselenij i gorodov Juzhnogo Kazahstana. Trudy Instituta Istorii, arheologii i jetnografii. Tom V. Arheologija. Alma-Ata: Izdatel'stvo ANKazSSR, 1958. S. 3-209. (294 s.).
- 2 Вайраков К.М. Қазақстанның езгерілгі қалалары. Almaty: «Aruna Ltd», 2007. 384 б.
- 3 Bartol'd V.V. Istorija kul'turnoj zhizni Turkestana. Sochinenija. Obshchie raboty po istorii Srednej Azii. Redkol. B. G. Gafurova. M.: Izdatel'stvo vostochnoj literatury. T. II, ch. I. 1963. 1020 s.
- 4 Bartol'd V.V. K istorii oroshenija Turkestana. Sochinenija. T. III. Redkol. B. G. Gafurova. M.: Nauka, 1965. 711 s.
- 5 Valihanov Ch.Ch. Sobranie sochinenij v pjati tomah. T. 4. Alma-Ata: Glavnaja redakcija Kazahskoj sovetskoj jenciklopedii, 1985. 458 s.
- 6 Gorbunov V. Putevoditel' po Kazahstanu. Moskva-Almaty, 1932. 152 s.
- 7 Grodekov N.I. Kirgizy i karakirgizy Syr-Dar'inskoy oblasti. Juridicheskij byt. T. 1. Tashkent: Tipe-litografija S. I. Lahtina, 1889. 205 s.
- 8 Dobrosmyslov A.I. Goroda Syr-Dar'inskoy oblasti. Kazalinsk, Perovsk, Turkestan, Aulieata, Chimkent. SPb., 1912. 8 s.
- 9 Eleuov M. Syrdarija өзенінің орта арысы мен Қаратаудың ortasyrlyk keruen zholdary. «Eurazija tarihy men mədənietindegi Aral – Syrdarija eñiriniň omu» Halyқaralyk fuymki konferencija materialdary. Almaty: Arna, 2009. B. 35-41 (432 b.)
- 10 Kazahsko-russkie otnoshenija v HVIII–HIH vekah (1771–1867 gody). Sbornik dokumentov i materialov. Alma-Ata: Izdatel'stvo Nauka, 1964. 572 s.
- 11 Maksheev A.I. Opisanie nizov'ev Syr-Dar'i. SPb.: V tipografii Imp. AN., 1856. 80 s.
- 12 Kostenko L.F. Turkestanskij kraj. Opty voenno-statisticheskogo obozrenija Turkestansko-voennogo okruga. Materialy dlja geografii i statistiki Rossii. SPb.: Tipografija i hronolitografija A. Transhelja, 1880. T. I. 452 s. + 3 karta; T. II. 200 s.; T. III. 307 s.
- 13 Margulan A.H. Drevnie karavannye puti cherez pustynju Betpak dala. Vestnik Akademii nauk KazSSR. Almaty, 1949. S. 68-77.
- 14 Materialy po istorii Kazahskoj SSR (1785–1828 gg.) T. IV. M.-L.: Izd. AN SSR, 1940. 543 s. + 11 karta.
- 15 Materialy po obsledovaniju kochevogo i osedlogo tuzemnogo hozjajstva i zemlepol'zovaniya v Amudar'inskom otdele. Sydarinskoy oblasti. Vyp. 1. Tekst. Tashkent, 1915. 300 s.
- 16 Mejer L. Materialy dlja geografii i statistiki Rossii, sobrannye oficerami general'nogo shtaba. Ch. 1. Kirgizskaja step'. Orenburgskogo vedomostva. SPb., 1865. 288 s. + 121 karta + tabl.
- 17 MKZ. Syr-Dar'inskaja oblast'. Kazalinskij uezd. Glavnoe upravlenie zemleustrojstva i zemledelija Pereselencheskogo upravlenija. Tashkent: Tipe-litografija V. M. Il'ina, 1913. 148 s. + prilozhenija 1-17., tabl. 1 + 221 + karta 1 list. (383 s.).
- 18 MKZ. Syr-Dar'inskaja oblast'. Perovskij uezd. Glavnoe upravlenie zemleustrojstva i zemledelija Pereselencheskogo upravlenija. Tashkent: Tipe-litografija V. M. Il'ina, 1912. 190 s. + prilozhenija 32 s. + tabl. 127 s. + 45 s. + karta 3 list. (394 s.).
- 19 Narody Rossii. Kirgizy. Istoricheskij ocherk i narodnyj harakter. SPb.: Tipografija tovarishhestva «Obshhestvennaja pol'za», 1879. 58 s.
- 20 Nebol'sin P.I. Ocherki torgovli Rossii so Srednej Aziej // ZIRGO. Knizhka 10. SPb.: V tipografii Imp. AN., 1855. 442 s. + 31. Tabl. + 1 karta.
- 21 Nebol'sin P.I. Rasskazy proezzhego. SPb.: V tipografii Shtaba Voenno-uchebnyh zavedenij, 1854. 343 s.
- 22 Obzor Syr-Dar'inskoy oblasti za 1889 g. Prilozhenija k Vsepoddanejschemu otchetu voennogo gubernatora. Tashkent: Tipografija brat'ev O i G. Percevyh, 1890. 82 s.

- 23 Obzor Syr-Dar'inskoy oblasti. Prilozhenie k vsepoddanejshemu otchetu voennogo gubernatora oblasti za 1886 g. Tashkent: Tipo-litografija S. I. Lahtina, 1888. 385 s.
- 24 Pallas P.S. Puteshestvija po raznym provincijam Rossijskoj imperii. Ch. 1. Puteshestvie 1768–1769 gg. Perevod O. Tomskij. SPb.: Tip. Imp. AN., 1773. 657 s. + 28 vkl.; Ch. 2. 1770 g. 476 s.; Ch. 3. Vtoraja polovina 1772–1773 godov. Perevod G. Zuev. 1788. 480 s. + 50 vkl.
- 25 Pashino P.I. Turkestanskij kraj v 1866 godu. Putevye zametki. SPb., 1868. 179 s. + il. + 1 l. karta.
- 26 Rossija. Polnoe geograficheskoe opisanie nashego otechestva. Nastol'naja i dorozhnaja kniga dlja russkih ljudej. Pod red. P. P. Semenova i akademika V. I. Lamanskogo. T. HIH. Turkestanskij kraj. Sostavil kniaz' V. I. Masal'skij. SPb.: Izdanie A. F. Defriena, 1913. 861 s. + karta.
- 27 Rychkov P.I. Topografiya Orenburgskoj gubernii. 2-oe izd. Orenburg: Tipografija V. Breslina, 1887. 405 s.
- 28 Sazonova M.V. Tradicionnoe hozjajstvo uzbekov Juzhnogo Horezma. Leningrad: Nauka: Leningradskoe otделение, 1978. 97 s.
- 29 Samajlovich A.N. Zapadnyj Turkestan so vremenem zavoevaniya arabami do mongol'skogo vladychestva. Istoriko-geograficheskij ocherk. SPb.: «Stolichnaja skoropechatnaja» S. H. Zolotuhina, 1903. 144 s.
- 30 Smirnov A.P. Byt i nravy kirgizov. 2-oe izdanie. Izdanie uchrezhdennoj po Vysochajshemu poveleniju Postojannoj komisii narodnyh chtenij. SPb.: Tipografija F. Akienfieva i I. Leont'eva, 1897. 27 s.
- 31 Smirnov E. Syrdarinskaja oblast'. Opisanie, sostavленное по official'nym istochnikam. SPb.: Tipografija M. M. Stasjulevicha, 1887. 356 s.
- 32 Tatishhev V.N. Izbrannye trudy po geografii Rossii. M.: Gos. izdatel'stvo geograficheskoy literatury, 1950. 248 s.
- 33 Fazallah ibn Ruzbehani. Mihman name-ij Buhara (Zapiski Buharskogo gosti). Perevod, predislovie i primichanie R. P. Dzhaliilovo. Pod red. A. K. Arenda. M., 1976. 196 s.

Резюме

T. E. Kartaeva

(Казахский национальный университет им. аль-Фараби, Алматы, Казахстан)

КАРАВАННЫЕ ПУТИ ПРИСЫРДАРИНСКОМ РЕГИОНЕ В XIX ВЕКЕ: СТАНОВЛЕНИЕ И НАПРАВЛЕНИЕ

Исторические корни внешней торговли в присырдаринском регионе берут начало с сако-массагетского периода. Одно из направлений “Великого шелкового пути” который проходил по правому берегу среднего и нижнего течения Сырдарьи, далее по северо-восточному берегу Арала и через реку Жайык протянулась на Запад. Караванные пути, проходившие через Сырдарью соединили присырдаринский регион с Востоком и Западом. В XIX веке присырдаринские караванные пути продолжили свою миссию соединения Ургенча, Хивы, Бухары, Хорезма с Оренбургом и Омском, далее дорога вела на Запад. Одно из направлений торгового пути пересекал реку Сырдарью, которое проходило через реку Сарысу, далее через Кышитай, Улутау доходило до Томска. Другая торговая дорога через Голодную степь соединяло северо-восток. Так как Сырдарья являлась торговым транзитом в этом регионе были востребованы промыслы: караванбашы, кирекеш – перевозчик груза, шапар – путеводитель и ремесленники которые занимались изготовлением транспорта для перевозки товара, таких как лодка и сал.

Ключевые слова: Великий шелковый путь, торговля, караванные пути, городской базар, ярмарка.

Summary

T. Kartaeva

(Al-Farabi Kazakh national university, Almaty, Kazakhstan)

CARAVAN WAYS THE NEAR SYRDARIA REGION IN THE XIXth CENTURY: FORMATION AND DIRECTION

The historical roots of inner trade in Near Syrdaria region start from the saka-massagetan period. One of the directions of Great Silk way, which passed along the right bank of the middle and lower reaches of the Syrdaria, then along the north-east bank of Aral and lasted through the lake Jaiyik to the west. Caravar routes passed through the Syrdaria connected near Syrdaria region with the east and the west. In the XIXth century near Syrdaria caravan routes continued connecting Urgench, Khiva, Bukhara, Khorezm with Orenburg and Omsk, then the route led to the west. One of the directions of trade way intersected the lake Syrdaria, which passed through the lake Sarysu, then through Kishitau, it got through to Tomsk through Kishitau and Ulutau. Another trade way Hungry (starving) steppe connected northern-east. As Syrdariawas the trade transit trades: karavanbashi, kirekesh, transporting the load, shaper were demanded in this region. Shapar- guide and craftsman who were dealing with making the transporting.

Keywords: Great Silk way, trade, caravan ways, city market, fair.

Поступила 10.03.2014г.